



■ Kvennalistinn ætlar að fjölga röddum sínum á þingi með því að kalla inn varamenn

Brot á lögum um þingsköp?

Kvennalistinn hefur lýst því yfir að þingskonur hans munu í auknum mæli kalla inn varaþingmenn til að gera leiðir röddum kleift að tjá sjónarmið Kvennalistans. Lögum samkvæmt er skjöldum þingsmönnum skylt að sækja alla þingsfundi nema nauðsyn banni, eins og segir í þingskaparlögum. Ástæður fyrir forföllum aðalmanna eru yfirleitt opinber erindi erlendis, veikindi eða sérstakar annir.

Í 53. grein laga um þingsköp segir í 2. málsgrein: „Ef þingmaður forfallast

svo að nauðsyn krefji að varamaður hans taki sæti hans á meðan skal hann tilkynna forseta það bréflega og jafnframt gera grein fyrir í hverju forföllin eru fólgin og hversu lengi þau muni vara. Forseti kynnir þinginu bréfið. Þegar varamaður tekur sæti í forföllum þingmanns skal hann ekki sitja skemur en tvær vikur nema þingið hafi áður verið rofið eða því frestað. Þingmaður nýtur ekki þingfararkaus meðan varamaður hans situr á þingi nema fjarvist sé vegna veikinda eða

þingmaður sé fjarverandi í opinberum erindum.“

Í Handbók Alþingis 1991 kemur fram að varaþingmenn á kjörtímabili 1987-91 voru samtals 69. Átta varaþingmenn tóku síðar á kjörtímabili fast sæti vegna afsagnar eða andláts aðalmanna. Ástæður fyrir forföllum aðalmanna á þessu kjörtímabili voru opinber erindi erlendis 70,7%, veikindaleyfi 19,7% og annir, veikindi 9,6%. Í fréttum um helgina af landsfundi Kvennalistans kom fram að ætli-

unin væri að kalla inn varaþingmenn flokksins í auknum mæli. Í frétt frá Samtökum um Kvennalista um landsfundinn segir um þetta atriði: „Nýjar starfsreglur fyrir þingflokk Kvennalistans voru samþykktar sem miða að því að efla tengsl þingflokksins við aðrar Kvennalistakonur og gera fleiri röddum kleift að tjá sjónarmið Kvennalistans.“

Alþýðublaðinu tókst ekki að ná tali af þingskonum Kvennalistans í gær vegna þessa máls.

■ Óvissa um framtíð Kvennalistans


Lélegar forystukonur

– segir Helga Sigurjónsdóttir bæjarfulltrúi.

„Ef merkisberinn í bóðhlaupi kvennabaráttunnar missir merkið, týnir því eða lætur einhvern óviðkomandi fá það á að víkja honum í burtu. Það er varla rúm nema fyrir einn merkisbera í baráttunni og Kvennalistinn hefur fallið á prófinu bæði hvað varðar meðferð á lýðræði innan flokksins og hugmyndafræðilega hefur lítið verið að gerast. Mér finnst því Kvennalistinn hafa lélegar forystukonur,“ sagði Helga Sigurjónsdóttir bæjarfulltrúi í samtali við Alþýðublaðið um landsfund Kvennalistans. Helga hefur tekið þátt í kvennabaráttu í 25 ár. Fyrst með Rauðsokkuhreyfingunni og síðan Kvennalistanum þar til hún sagði skilið við flokkinn í kjölfar þess að ekki var farið eftir niðurstöðum prófkjörs flokksins í Reykjaneskjördæmi heldur ákveðið að endurtaka prófkjörið. Helga telur Kvennalistann vera að enda í sömu eynd og Rauðsokkuhreyfingin á sínum tíma. „Ef maður er að gefa sig út fyrir að fara í forystu fyrir svona grafalvarleg hreyfingu og mikilvægt mál sem kvennabaráttan er, þá verður maður að vita að það þarf klof til að ríða róftum. Það verður að gera kröfur til forystukvenna. En það er enginn sem segir að kvennabaráttan þurfi að vera í forni stjórnmálaflokks. Það eru margir möguleikar í stöðunni og ég held að það séu konur um land allt sem brenna í skinninu eftir að fá vettvang til að ræða málin. Miklu víðari heldur er innan Kvennalistans og það er nokkuð seint í rassinn gripið að ætla að efla Kvennalistann núna,“ sagði Helga. „Þær sem stýra málum Kvennalistans núna falla í margar gryfjur meðal annars af því þær skortir yfirsýn, þekkingu, reynslu og þær afneituðu fortíðinni. Rauðsokkuhreyfingin byrjaði hressilega en sigldi inn í þröngt og einstrengislegt far og endaði í hálfgerðri eynd. Ég óttast að það sama sé að gerast með Kvennalistann og var búin að afskrifa hann sem afl í kvennabaráttunni. En ég er ekki búin að segja skilið við kvennabaráttuna,“ sagði Helga Sigurjónsdóttir.

■ Samkeppnisstofnun Skatturinn á hálum ís

Samkeppnisráð hefur vakið athygli fjármálaráðherra á því áliti sínu að túlkun skattayfirvalda á reglum um virðisaukaskatt af skattskyldri starfsemi ríkis og sveitarfélaga takmarki frelsi í atvinnurekstri og aðgang nýrra keppinauta að markaðnum. Leggur ráðið til að orðalagi reglugerðarinnar verði breytt þannig að sjálfstætt starfandi sérfræðingum sem vinna fyrir hið opinbera verði ekki mismunað eftir því hvort þeir hafi háskólapróf eða ekki. Í reglugerð fjármálaráðuneytis um endurgreiðslu virðisaukaskatts af skattskyldri starfsemi er ákvæði þar sem kveðið er á um að endurgreiða skuli ríki, sveitarfélögum og stofnunum þeirra af virðisaukaskatti af vinnu og þjónustu verkfræðinga, tæknifræðinga, arkitekta, lögfræðinga, lögtilra endurskoðenda og annarra sérfræðinga er almennt þjóna atvinnulífinu. Hefur ríkisskattstjóri túlkað ákvæðið á þann veg að ríki og sveitarfélög skuli einungis fá endurgreiddan virðisaukaskatt af aðkeyptri vinnu sérfræðinga sem lokið hafa háskólaprófi eða aldeilis samþætta langskólanámi. Með hess-



■ Landsfundur Kvennalistans Engar ályktanir um þjóðmál

Ýmis þjóðmál voru rædd í hópum á landsfundi Kvennalistans um helgina en „formlegar ályktanir voru ekki gerðar um þau,“ segir í frétt frá Samtökum um Kvennalista. Í fréttinni segir að fundurinn hafi einkennst af miklum umræðum um framtíð samtakanna. Fundarkonur hafi ekki verið á einu máli um hvaða leiðir væru vænlegastar í baráttunni fyrir kvenfrelsi. Niðurstaða landsfundarins var að efla þyrfti Kvennalistann og snúa vörn í sókn. Framkvæmdaráði Kvennalistans var falið að koma umræðunni í frjóan farveg í öllum öngum Kvennalistans þar sem ræddar yrðu til hlítar mismunandi leiðir að settu marki. Samþykkt var að viðhalda útskiptareglu Kvennalistans sem kveður á um að fulltrúar hans sitji ekki lengur en tvö kjörtímabil.